



Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 15. Petrus Bertius a Calvinismo ad sidem Catholicam reversus.

[urn:nbn:de:hbz:466:1-67344](#)

Sæc. XVII. nefas concepisse fatebatur, unice con-
 A.C. 1620. questus, quod Regem vita privare non
 potuisset: Igitur in eum sententia ejus-
 modi pronuntiata est, ut candente ali-
 quoties forcipe concerptus, veniam a
 Deo, Rege & Nobilitate, populoque
 omni peteret, ac demum dextera, di-
 gitisque sinistris mutilatus, quatuor e-
 quis discerperetur, quod etiam suppli-
 cium die vigesima septima Novembris
 subiit, corporis partibus in ignem, &
 cineribus in Vistulam fluvium projectis.
 Ex bonis ejus fisco addictis prædium
 unum Adamus Calenskius obtinuit,
 quia Regem in deliquio cadentem pri-
 mus sublevaverat.

§. XV.

*Petrus Bertius a Calvinismo ad fi-
dem Catholicam reversus.*

Balduin. *Hoc item anno Petrus Bertius Lug-*
Chron. Mo- *duni Batavorum celeber inter Ar-*
rale. p. 1258. *Arnoldi hist.* *minianos Professor, desertis Calvini*
Hæret. *castris, in quibus a prima infantia mi-*
Weism. Hist. *litaverat, ad Romanæ Ecclesiæ gre-*
Eccl. p. 742. *mum Parisiis reversus est, habita pu-*
Meteran. *blice oratione, typisque paulopost e-*
Hist. Belg. *p. 328. l. 41.* *dita, in qua suæ mutationis caussas*
succincte exponebat, quas inter præ-
cipue illum ad hunc redditum val-
de commoverat continua Calvinianæ,
alia-

aliorumque sectarum in præcipuis arti- Sæc. XVII.
culis ad salutem necessariis dissensio, A. C. 1620.
& econtra Ecclesiæ nostræ cum veteri
a Christo fundata & ab Apostolis ad nos
translata in omnibus articulis consen-
sus & conjunctio, quam Bertius æque,
ac annis superioribus Crolius olim Ge-
nevensis Evangelii Præco & Hassiæ Su-
perintendentis, ex lectione Conciliorum
& Sanctorum Patrum, præcipue Divi
Augustini deprehendit. Insuper ad ab-
jurandos Calvini errores ipsum impule-
rat, pudendi illius Dordracensis Con-
ciliabuli iniquitas, & Gomaristarum
crudelitas: Profitebatur etiam, quod
inter Catholicos conversatus, eorum
ritus moresque nullatenus adeo cor-
ruptos esse deprehenderit, ac Calvi-
nistæ de iis mentiti fuissent: Ceterum
Leidenses Calvinistæ, postquam Ber-
tium a suo cætu defecisse compererant,
ipsum, prorsus bruto, anathematis ful-
mine ipso solemini Paschatis die percu-
lerunt, Franciæ autem Rex hunc Vi-
rum in Regium Professorem & Geo-
graphum Parisiis nominabat. Nil igitur
Calvinistis ad leniendum suum do-
lorem reliquum erat, nisi ut Bertii fa-
mam, & conversionis sinceritatem pro
more suo obscurare niterentur: Eo a-
nimo, si Weismano fides, Robertus
Eustachius itidem secta Arminianus

E 3

Pari-

Sæc. XVII. Parisiis hæc de Bertio scripsit: *Dicam*
A. C. 1620. *cum ingenti animi horrore, summaque de-*
testatione, Bertius, heu! quondam noster,
Pontificias partes hic amplexus est, neque
Missam tantum audivit, sed & Sacramen-
tum Corporis Dominici, ut vocant, cum
idololatris sumpsit, & articulis, nescio
quibus subscriptis: Habui hoc primum ex
Viris fide dignissimis, habui & heri ex
ipsius ore, ne tu conjecturis agere me pu-
tes. Hæsitabat miser turbatus animo, jam
pallebat, jam sudabat, jam titubabat in
incestu, jam lacrimabatur: Neque quicquam
quod opponeret, habebat, praeter injurias
istorum Gomaristarum, quibus tam acer-
be, imo scelerate exagitatus hadenus fuis-
set. Mihi tamen suspicio est Sermonibus
quibusdam illius innixa, eum in Sententius
aut nihil, aut parum certe hadenus mu-
tasse, nec alio fine in partes illas transvi-
se, quam ut stipendium suum ex ærario
regio obtineret, quod scio, quam misere
antea per tot hebdomadas frustra mendi-
caverit.

§. XVI. Dominici Tuschi Cardinalis obitus.

*Ciacon. in
vita Clem.
VIII. p. 319.
Ughel. in
addit.* **D**um Roma ob varias Bohemici belli,
 rerumque vicissitudines adhuc an-